

beni per fina che mi sero de la. E perche tu sai ben che di Zuane li non e niente, e anche piu che dele intrade che a tolto non me a dato niente. Pero ve prego chome caro fradelo che toliti questa fatiga per mi, e a mi comande. Altro non dico, Christo ve vardi. Pregote disiti a Iacomo Iercovich che non habia per mal che ve ho scritto perche si dio vora sero presto de la.

Io Antonio de Zuane
vostro in tuto.

V

A tergo: Nobili viro domino Nicolao Marci Petri fratri carissimo in Spalato.

1466 adi 7 luglo.

Carissimo e mazor fradelo, avisove chome ser Nicolo Testa mio nevo mi mando uno churero per qual mi scrivi avisandome chome Zuane passo de questa vita, e cusi a vui o scritto la littera pregandove che vui toliti questi mei beni, quello che se trova, cusi mobili e stabili. E anche o scritto a ser Nicolo che vui toliti questi beni, quello che se trova, perche vui saviti ben che lui non a habuto niente chome tuta la terra sa. Pero ve prego chome charo fradelo receviti tuti questi beni in man vostre perfina che vegno mi de la. E si dio vora sero presto de la. E si algun ve contradira andate con questa littera dal conte: ve fara procurador. Ma qui non e chi fesse la procura. E si dio vora mi sero presto de la. E anche ve prego mititi qualche homo o femina in casa per fina che vegno mi de la. Altro non digo, Christo ve vardi dogni contrario.

Io Antonio de Zuane
vostro in tuto.

VI

A tergo: Nobili viro Nicolao Marci Petri in Spalato.

1466 adi 8 luglo.

Caro fradelo, recevi la littera de ser Nicola mio nevo, esi me scrivi che lu chavati de casa mia. Pregote non fati questo perche tu sa ben che honor seria a mi. Pero lasa star in casa fina che mi sero de la. Esi lui se partira de la, pregote mititi qualche homo dentro in la casa, perche si dio vora sero presto de la. Esi recomando tuti li beni mei in man de dio, e vui fati quello che a vui par meglo. Avissandove che mi scrivi che pre Zuane a fato testamento. A mi piazzi,